

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEEMPAT,
PARLIMEN KEEMPAT BELAS**

PERTANYAAN : LISAN

**DARIPADA : TUAN CHANG LIH KANG
[TANJONG MALIM]**

TARIKH : 20 SEPTEMBER 2021 (ISNIN)

SOALAN NO. 69

Minta **PERDANA MENTERI** menyatakan bilangan peneroka Felda yang telah menandatangani perjanjian untuk mansuhkan hutang lapuk. Berapa jumlah hutang yang melibatkan peneroka-peneroka yang sudah menandatangani perjanjian.

JAWAPAN

Tuan Yang di-Pertua,

Untuk makluman Ahli Yang Berhormat, Kerajaan terdahulu bersetuju melupuskan sebahagian pinjaman Peneroka Lembaga Kemajuan Tanah Persekutuan (FELDA) berjumlah RM 8.3 bilion secara bersyarat.

Pelupusan pinjaman ini telah diumumkan oleh Mantan Perdana Menteri Malaysia, Tan Sri Muhyiddin Yassin sempena sambutan Hari Peneroka FELDA 2021 pada 7 Julai 2021 yang disambut secara maya melibatkan Peneroka daripada seluruh Malaysia.

Manfaat pelarasan sebahagian hutang peneroka ini merangkumi:

- i) Penghapusan sebahagian baki pinjaman tanam semula sehingga 31 Disember 2019, berjumlah RM8.0 bilion yang akan memberi manfaat kepada 92,441 orang peneroka (meliputi 82% warga peneroka)
- ii) Penghapusan baki tunggakan baja sehingga 31 Disember 2019, berjumlah RM168 juta melibatkan 52,180 peneroka (meliputi 46% warga peneroka)
- iii) Penghapusan sepenuhnya baki pinjaman saham FGV sehingga 7 Julai 2021, yang berjumlah RM78 juta melibatkan 38,043 peneroka (meliputi 34% warga peneroka)
- iv) Penghapusan sepenuhnya baki pinjaman pembangunan asal sehingga 31 Disember 2019, yang berjumlah RM56 juta yang akan dinikmati 6,711 orang peneroka (meliputi 6% warga peneroka)
- v) Penghapusan sepenuhnya baki pinjaman Skim Insentif Usahawan FELDA (SIUF) sehingga 7 Julai 2021, yang berjumlah RM20 juta yang melibatkan 2,019 orang peneroka (meliputi 2% warga peneroka).

Status terkini sehingga 25 Ogos 2021, seramai 92,898 daripada keseluruhan 112,638 peneroka yang layak telah menandatangani perjanjian yang bersamaan 82.47%. FELDA telah memberi pertimbangan bagi melanjutkan tempoh penerimaan tawaran lupus hutang sehingga 31 Ogos 2021.

Pengurusan atasan FELDA dan Jawatankuasa Projek WAJAR amat komited dalam melaksanakan penyelarasan hutang pinjaman peneroka bagi meneruskan amanat yang telah diumumkan oleh Mantan Perdana Menteri.

Memandangkan tempoh pertimbangan telah dilanjutkan sehingga 31 Ogos 2021, AJK Projek WAJAR masih lagi meneruskan *task force* (dengan izin) secara bersepadu bagi pengumpulan data-data akhir jumlah penyelarasan hutang pinjaman peneroka, yang akan dimuktamadkan dengan melibatkan kerjasama semua peringkat Pengurusan FELDA samaada di ibu pejabat, wilayah-wilayah dan rancangan-rancangan FELDA.

Sekian, terima kasih.

Disediakan Oleh : Encik Muhamad Shafira Bin Muhamad Raub
Timbalan Pengarah
Jabatan Kewangan
Lembaga Kemajuan Tanah Persekutuan (FELDA)
Telefon : 03-2191 2332 / 016-9799278

Disemak Oleh : Puan Raja Faridah Binti Raja Ahmad
Pengarah
Jabatan Kewangan
Lembaga Kemajuan Tanah Persekutuan (FELDA)
Telefon : 03-2191 2112 / 019-3808338

Maklumat tambahan

BIL	RANCANGAN	JUM. PENEROKA	BERADA DI RCGN	BERADA DI LUAR RCGN	JUM. BORANG YANG DIEDARKAN	JUMLAH BERSETUJU	DALAM PROSES	JUMLAH TIDAK BERSETUJU	% Bersetuju	SELESAI T/TGN	BELUM T/TGN	% selesai t/t
1	Trolak Timur	480	480	-	480	480	-	0	100.00	480	-	100.00
2	Besout 05	102	102	-	102	102	-	0	100.00	102	-	100.00
3	Trolak Selatan	602	562	40	602	602	-	0	100.00	562	40	93.36
4	Sungai Behrang	476	394	82	476	437	37	2	91.81	437	39	91.81
5	Trolak Utara	476	285	191	476	393	78	5	82.56	393	83	82.56
6	Sungai Klah	369	290	79	369	369	-	0	100.00	289	80	78.32
7	Besout 02	495	474	21	495	380	78	37	76.77	380	115	76.77
8	Besout 04	215	202	13	215	162	38	15	75.35	162	53	75.35
9	Besout 03	271	260	11	271	189	19	63	69.74	189	82	69.74
10	Besout 01	520	497	23	520	356	105	59	68.46	356	164	68.46
	JUMLAH	4,006	3,546	460	4,006	3,470	355	181	86.62	3350	656	83.62